



Concello de FRADES

Cimadevila, 10
15686.- FRADES (A Conña)

Teléfs: 981 - 69 55 67 y 981 - 69 56 63 Fax: 981 - 69 55 79
E-Mail: correo@fradesgal

ACTA DA SESIÓN EXTRAORDINARIA CELEBRADA POLO PLENO DA CORPORACIÓN O DÍA 1 DE FEBREIRO DE 2019

No salón de plenos da Casa do Concello de Frades, a 1 de febreiro de dous mil dezanove, sendo as 14.00 horas, reúnen-se os membros da Corporación ao obxecto de celebrar sesión extraordinaria urxente en primeira convocatoria.

Baixo a presidencia de D. Roberto Rey Martínez, asisten os Concelleiros D.^a M.^a Angeles Alvarez Carro, D. Jesús Miguel Prado Cea, D. Jesús Francos Sánchez, D. Ramón Garabato Boga, D. Oscar Botana Rúa, D. Manuel Ferreiro Marzoa, D. Juan Carlos Portos Bra, Don José María Perez Lagos, e D.^a Nelly Iglesias Rey.

Non asiste a Concelleira D.^a Lorena Suárez Pardo.

Asiste a Secretaria do Concello D.^a María Chao Carballeira, que dá fe do acto.

Comprobado que se dá o quórum legalmente esixido para a válida celebración das sesións do Pleno, a Presidencia declara aberta a sesión, procedéndose ao estudo dos asuntos incluídos na orde do día.

PUNTO PRIMEIRO.- APROBACIÓN ACTA SESIÓN DE PLENO DE 14 DE DECEMBRO DE 2018.-

Recibida polos membros da Corporación, a copia do borrador da acta da sesión referenciada, polo Sr. Presidente ao abeiro do artigo 91.1 do RD 2568/1989, de 28 de novembro, pregúntase se algún membro formula algunha observación á mesma.

Non habendo observacións sométese a votación a aprobación da acta do pleno referida, que é APROBADA por unanimidade.

PUNTO TERCEIRO.- MOCION EN DEFENSA DA SANIDADE PUBLICA.-

Consta en Secretaría a moción rexistro entrada 49 de 23-01-19 que a continuación se transcribe:

MOCIÓN EN DEFENSA DA SANIDADE PÚBLICA

O grupo municipal do BNG, ao abeiro do Regulamento orgánico municipal, presenta a seguinte moción para o seu debate en Pleno extraordinario solicitada polos concelleiros desta corporación Lorena Suárez Pardo, Nelly Iglesias Rey e José María Pérez Lagos, en defensa da sanidade pública galega nunha situación crítica debido ás políticas nefastas do Partido Popular.



Concello de FRADES

Cimadevila, 10
15686.- FRADES (A Coruña)

Teléfs: 981 - 69 55 67 y 981 - 69 56 63 Fax: 981 - 69 55 79
E-Mail: correo@fradesgal

EXPOSICIÓN DE MOTIVOS

Un dos temas que máis alarma social está provocando na sociedade galega é o gravísimo deterioro da sanidade pública. Un deterioro que é o resultado dos graves recortes e privatizacións que se esta realizando desde 2009, e que están poñendo en risco a saúde e a vida das persoas.

A política sanitaria da Xunta de Galiza ao longo destes anos está poñendo contra as cordas a sanidade pública e ten un fin moi claro: converter o dereito á saúde nun negocio para grupos afíns. Favorecer que uns poucos fagan negocio a costa da enfermidade.

Todos os camiños da política sanitaria do PP tiveron como fin a privatización e o desmantelamento do sistema sanitario público a base de recortes continuos e de pór os recursos da sanidade pública ao servizo de intereses privados para poder facer negocio coa enfermidade das persoas. Durante os últimos nove anos, PP, con Nuñez Feixóo á cabeza, impulsou todo tipo de medidas que afondaron neste desmantelamento: redución de orzamentos, de centos de profesionais, de máis de 700 camas, privatización masiva de servizos, derivacións de doentes a centros privados...

A Atención Primaria foi o ámbito da sanidade pública galega que con máis intensidade sufriu os recortes. Nos orzamentos da Xunta deste ano 2019 destínanse 188 millóns de euros menos que os que había en 2009, cun recorte acumulado de arredor de 2.188 millóns de euros.

As consecuencias son tremendas: masificación de consultas, cupos desbordados, redución de profesionais, non substitucións, as listas de espera dunha semana, 10 días para o médico de familia, peche de axendas, saturacións, profesionais que ao ter que acudir a algunha urxencia teñen que deixar as súas consultas abandonadas durante horas, PACs ao límite...

Hai unanimidade entre sindicatos, colexios profesionais, plataformas sanitarias, organizacións profesionais, doentes... en denunciar o grave deterioro que están provocando as políticas sanitarias do Partido Popular, e en que non estamos na fase de grupos de traballo, nin de enquisas virtuais, nin de auditorías. Estamos na fase de asumir responsabilidades e rectificar os recortes e as privatizacións.

Estamos nun momento crítico, onde a Xunta ten que dar explicacións e asumir as súas responsabilidades, ante uns feitos de máxima gravidade e rectificar.

Por iso, o grupo municipal do BNG solicita do Pleno da Corporación municipal a adopción do seguinte

ACORDO

- *O Pleno do Concello de Frades insta á Xunta de Galiza a tomar as seguintes medidas nun compromiso claro de que se rectifica unha política sanitaria que*



Concello de **FRADES**

Cimadevila, 10
15686.- FRADES (A Conña)

Teléfs: 981 - 69 55 67 y 981 - 69 56 63 Fax: 981 - 69 55 79
E-Mail: correo@fradesgal

está destruindo a sanidade pública dos galegos e galegas e poñendo en risco o dereito á saúde:

- ***Aumento do orzamento destinado a Sanidade***
- ***Dimensionamento e estabilidade dos cadros de persoal: convocatoria de todas as prazas vacantes en todas as categorías/ contratos estábeis e dignos /substitucións d@s profesionais pola totalidade da ausencia / aumento das prazas de formación de especialistas, MIR***
- ***Eliminación listas de espera: contratando persoal e tendo operativos todos os recursos dos que dispón o Sergas, camas, quirófanos...e non realizar ningunha derivación de doentes á sanidade privada mentres existan recursos dispoñíbeis, susceptíbeis de ser usados nos centros públicos.***
- ***Plan de Mellora de Atención Primaria: incremento do investimento até chegar como mínimo ao 20% do orzamento (no inmediato incremento de 200 millóns de euros). Recuperación das Xerencias de Atención Primaria con capacidade resolutiva e orzamentaria./ Incrementar as prazas de especialistas en pediatría e medicina familiar e comunitaria./ Mellorar os equipamentos nos centros de saúde e PACs / Garantir equipos completos de profesionais nos PACs.***
- ***Reverter as privatizacións e xestión propia dos servizos sanitarios***
- ***Eliminación dos copagos farmacéuticos.***

Frades 23, de xaneiro 2019

Asdo: Lorena Suárez, Nelly Iglesias e Jose Maria Perez

Toma a palabra a Concelleira do BNG Nelly Iglesias para dicir que estivo no Clínico de Santiago e as enfermeiras contanche moitas cousas. A moción pretende expoñer a problemática da Sanidade publica.

O Sr. Pérez Lagos (BNG) di que houbo en 2018 unha dimisión masiva de numerosos xefes de servizo do Sergas que non foron nomeados por oposición senon a dedo. Os pasillos dos hospitais están a tope, parados, e hai manifestacións na rúa.

O Sr. Alcalde di que tamén ten familiares que son médicos no Hula de Lugo e ahí non hai estes problemas. O Sr. Alcalde reconece que se están producindo situacións de aglomeración nos pasillos



Concello de FRADES

Cimadevila, 10
15686.- FRADES (A Conña)

Teléfs: 981 - 69 55 67 y 981 - 69 56 63 Fax: 981 - 69 55 79
E-Mail: correo@fradesgal

de algún hospitais públicos sobre todo por mor da gripe, pero tamén di que non é certo todo o que expón a moción do Bng, porque se están a construír novos hospitais e novos centros de saúde en toda Galicia e que o orzamento que se destina a sanidade pública e moito maior que no 2009 cando gobernaba o bipartito e que tamén se teñen solicitado xa o Ministerio de Sanidade a creación de novas prazas MIR para cubrir a falta de médicos especialistas e tamén pediatras.

O portavoz do PP, señor Ferreiro Marzoa expón un argumentario do PP para defender as actuacións que está a levar a cabo o goberno da Xunta ca sanidade pública.

ARGUMENTARIO DO PPA FAVOR DA SANIDADE PÚBLICA

ORZAMENTOS SANIDADE

A sanidade pública sempre foi unha prioridade nos orzamentos da Xunta. Nos últimos anos os recursos sanitarios non só non diminuíron, senón que aumentaron, convertendo a Galicia na 5ª CA con maior gasto sanitario consolidado, e cunha % do PIB por enriba da media das CCAA.

O orzamento dedicado á nosa sanidade pública é MÁIS DO 40% (40,45%) DO ORZAMENTO DA XUNTA DE GALICIA. No ano 2008 era do 33,02%. A pesar do inicio da recuperación económica e dos ingresos públicos, a Xunta ten un orzamento, no ano 2019, inferior ao 2008 en 1.110M€, e, sen embargo, dedica á sanidade 348M€ máis que en 2008 (goberno bipartito).

Contamos cuns orzamentos que aumentan 127 millóns de euros en 2019, un 3,3% máis que no 2018. No ano 2019 dedicaremos á sanidade case 4.000M€ (3.984 M€), a cifra máis alta da historia na nosa comunidade autónoma.

Respecto da Atención Primaria, o orzamento nos capítulos de persoal e funcionamento contou, no ano 2018, con 25 M€ máis que en 2008. O que resulta moi relevante é sinalar que en receitas fomos quen de tomar medidas de eficiencia (xenéricos, compra centralizada, catálogo,...) que permitiron diminuír o orzamento dedicado a este capítulo en 128M€ con respecto ao ano 2008.

ORZAMENTO CONCERTOS PRIVADA

No referente á colaboración co sector privado, entendemos que é importante que exista un sector privado complementario ao sector público, que engada valor ao sistema sanitario no seu conxunto.

O orzamento en concertos en 2018 foi de 205,5 millóns de euros (incremento do 1% respecto do 2017), pero no ano 2008 era de 216 M€, é dicir redúcense os orzamentos dedicados a concertos en 11 M€.

Polo tanto as derivacións aos centros privados diminuíron ou mantivéronse respecto das que había no bipartito.

Hoxe teñen o dereito a unha segunda opinión máis áxil, e xa a teñen solicitada máis de 1.200 persoas.



Concello de FRADES

Cimadevila, 10
15686 - FRADES (A Coniña)

Teléfs: 981 - 69 55 67 y 981 - 69 56 63 Fax: 981 - 69 55 79
E-Mail: correo@fradesgal

Hoxe teñen máis vías rápidas que nunca para a atención de determinados cancros (mama, colon, pulmón próstata, vexiga, melanoma e cabeza e colon), o que nos permitiu acadar un tempo medio de derivación desde a atención primaria ata o especialista de menos de cinco días.

Hoxe teñen novos servizos de atención, mellor información e máis accesible, hai novas vacinas gratuítas para os nenos.

Hoxe hai novos medios de prevención, grazas por exemplo a un sistema de cribado semellante ao do cancro de mama para o cancro de colon, e desde este ano tamén para o cancro de cérvix.

DÉFICIT DE PROFESIONAIS DE ATENCIÓN PRIMARIA EN TODAS AS CC.AA.

Hai unha falta de médicos de familia e pediatras que afecta a toda España. A situación de paro 0"en medicina familiar e comunitaria ou pediatría, que afecta a todas as CCAA, representa unha grande dificultade, e imposibilita a cobertura de todas as ausencias (sempre que é posible cúbrese).

É sobradamente coñecido que en Galicia, e no resto de España, existe un déficit de pediatras. España é un dos poucos países en Europa que aposta pola Pediatría en Atención Primaria, e Galicia, dentro do contexto nacional, é unha das comunidades con maior taxa de cobertura pediátrica, cercana ao 90%.

Se temos en conta que o número de nenos en Galicia fai 20 anos era de 391.646, e nese momento había no Sergas 289 pediatras, a ratio de nenos por cada pediatra era de 1.355.

Vinte anos despois, o número de nenos diminuíu nun 20 %, quedando a cifra en 2017 en 312.243 nenos; nese tempo, os pediatras en atención primaria aumentaron nun 13%, ata os 327 pediatras, o que daría unha ratio de nenos por pediatra de 954.

*Con todo, a principal medida que hai que tomar é paliar a evidente ausencia de profesionais, e isto esixe a implicación do Goberno central. Por iso **proponeremos unha convocatoria de MIR extraordinaria para a Atención Primaria.***

PERSOAL. OPES. ESTABILIDADE. CARREIRA PROFESIONAL.

Seguimos traballando e adoptando medidas como:

- **1.544 profesionais máis que no ano 2008 e con mellores condicións laborais (carreira profesional)**
- **Convocatorias anuais de OPES.** Entre 2012 e 2016 ofertamos 1.606 prazas. OPE 2017: 1.616. OPE 2018: 1400 prazas.
- **No período 2017/2020, teremos ofertada a posibilidade de estabilizarse a 5.000 persoas.**
- **O retraso na idade de xubilación.**
- **O 88% da plantilla estrutural do Servizo Galego de Saúde ten carácter estable. O 86% do persoal facultativo é estable. Máis en concreto, o 96% dos médicos de familia son estables mentres que os pediatras acadan o 100%.**
- **Nos últimos anos vimos incrementando a oferta de prazas MIR; na última convocatoria realizamos a maior oferta dos últimos anos, con 404 prazas; delas 105 prazas para medicina familiar e comunitaria, 7 máis que en 2017 e 13 máis que no 2016.**
- **Ademais solicitamos en reiteradas ocasións ao Ministerio de Sanidade o incremento das**



Concello de FRADES

Cimadevila, 10
15686.- FRADES (A Conña)

Teléfs: 981 - 69 55 67 y 981 - 69 56 63 Fax: 981 - 69 55 79

E-Mail: correo@fradesgal

prazas que temos acreditadas para poder aumentar a oferta de pediatría de 20 a 26 prazas. Por outra parte, dos 69 médicos de familia que terminaron no 2018 o MIR, 55 están con contrato no SERGAS, polo que podemos falar dun 80%.

DEMANDAS AO MINISTERIO

É prioritario e imprescindible que o Goberno central proceda a unha convocatoria extraordinaria MIR na especialidade de medicina familiar e comunitaria, que posibilitaría dispoñer destes especialistas dentro de catro anos (período no que se espera unha maior carencia destes profesionais pola concesión de prórrogas na idade de xubilación en moitos dos servizos de saúde), así como á eliminación da taxa de reposición de efectivos nas OPE, o que permitirá que poidan ser ofertadas por cada Comunidade Autónoma, todas as prazas que as necesidades asistenciais así o xustifiquen, ou polo menos, que esta taxa de reposición se elimine nas categorías hoxe consideradas deficitarias como a de medicina familiar e comunitaria ou a de pediatría.

Tamén se debe incentivar a retención de especialistas en prazas de difícil cobertura ou en especialidades deficitarias e impulsar unha norma que flexibilice e axilice o procedemento de acreditación das unidades docentes para a formación sanitaria especializada, de xeito que permita aumentar as prazas de formación de especialidades.

Tamén é necesaria a redución dos prazos de tramitación e resolución dos expedientes de homologación de títulos de especialistas extracomunitarios e a posta en marcha dun Rexistro Estatal de Profesionais sanitarios, e realizar en base ao mesmo, un estudio de necesidades de especialistas.

MEDIDAS ADOPTADAS EN GALICIA

Cómpre lembrar que entre as medidas adoptadas a nivel competencial en Galicia destacan:

- *as OPEs anuais, esgotando a taxa máxima de reposición permitida polo Estado;*
- *a prórroga no servizo activo dos profesionais que así o desexen ata os 70 anos,*
- *o concurso de traslados aberto e permanente para atraer profesionais,*
- *os nomeamentos temporais con maior estabilidade no tempo,*
- *a incentivación das titorías para incrementar a capacidade docente das unidades de atención primaria;*
- *a mellora das condicións laborais como a reactivación da carreira profesional, con extensión ao persoal temporal,*
- *a exención da nacionalidade española para vincular mediante nomeamentos estatutarios aos médicos especialistas extracomunitarios,*
- *así como a participación na OPE nacional coordinada co Ministerio.*

ATENCIÓN PRIMARIA. NOVO MODELO

A Atención primaria é un modelo organizativo de éxito, no que temos experimentado melloras, tanto na capacidade diagnóstica coma na capacidade de resolución.

Os indicadores de saúde, e sobre todo o de esperanza de vida son dos mellores do mundo, dando como resultado unha das poboacións máis lonxevas do mundo.

Dispoñemos dunha Atención Primaria excelente, accesible e resolutive, dotada de profesionais competentes, cun orzamento axeitado, pero que está a sufrir tensións derivadas en boa medida



Concello de FRADES

Cimadevila, 10
15686.- FRADES (A Coruña)

Teléfs: 981 - 69 55 67 y 981 - 69 56 63 Fax: 981 - 69 55 79
E-Mail: correo@fradesgal

do aumento progresivo da demanda, que se xunta coa escaseza de profesionais para cubrir prazas, en particular médicos de familia e pediatras.

Pero é o momento de ir máis alá. Os cambios que precisa o modelo organizativo só serán posibles desde o diálogo e o traballo colaborativo da Administración, os profesionais e a cidadanía.

De cara a acordar un plan de traballo cos profesionais e máis medidas para seguir avanzando, o pasado día 18 de decembro de 2018 a Consellería convocou unha reunión con representantes de todas as categorías das áreas sanitarias e persoal de xestión, dos colexios profesionais e sociedades de médicos de familia, de enfermería especialista de atención primaria, membros do Consello asesor de Sanidade e sociedades científicas.

Constituíronse seis grupos de traballo para abordar: a reorganización e a creación de equipos para identificar os novos roles dos profesionais que traballan na atención primaria; as medidas encamiñadas á atención da demanda con calidade e seguridade; a priorización do plan de investimentos previstos para 2019 na atención primaria; as relacións entre a atención hospitalaria e a primaria; a formación e a investigación, e a relación cos pacientes a través das novas plataformas tecnolóxicas aplicadas á saúde. O plan de traballo acordado programouse para poder contar coas primeiras conclusións dos expertos no mes de febreiro.

Unha das medidas xa aprobadas é a nova modalidade contractual que vai permitir vínculos temporais máis amplos do persoal médico de familia e pediatras de atención primaria.

Nestes momentos estanse avaliando outras medidas como a modificación da estrutura directiva nas áreas sanitarias para crear unha dirección de atención primaria.

Por ultimo, debemos indicar que a ratio de pacientes por médico de AP é de 1.275, por debaixo da media nacional que está en 1.357.

ENFERMERÍA

No momento actual o Sergas conta con máis de 10.500 profesionais de enfermería no seu cadro de persoal, 700 máis dos que había no ano 2008.

A ratio actual en Galicia é de 4 enfermeiras por cada 1.000 habitantes. Cifra mellor que a media do Sistema Nacional de Saúde, que presenta unha ratio media de 3,6; ou de comunidades autónomas como Andalucía (ratio de 2,77) ou a Comunidade Valenciana (ratio de 3,23).

O Decreto 81/2016, de 23 de xuño, polo que se crea no ámbito do Servizo Galego de Saúde a categoría estatutaria de persoal enfermeiro especialista, aprobado polo Goberno galego, senta as bases para a gradual implantación das diferentes especialidades de enfermería, sendo un dos pioneiros no Sistema Sanitario español. Esta norma foi previamente negociada na mesa sectorial contando co apoio de todos os sindicatos con representación na mesma.

Esta nova categoría abarca as especialidades contempladas na normativa estatal, isto é, a especialidade de enfermería familiar e comunitaria; a de saúde mental; a do traballo; a de pediatría; a de xeriatria; e a especialidade de coidados médicos-cirúrxicos.

Coa súa creación preténdese a planificación e a progresiva dotación de prazas de persoal



Concello de FRADES

Cimadevila, 10
15686.- FRADES (A Conña)

Teléfs: 981 - 69 55 67 y 981 - 69 56 63 Fax: 981 - 69 55 79

E-Mail: correo@fradesgal

enfermeiro especialista e a incorporación a estas de persoal titulado na especialidade que se demande, en condicións de pleno recoñecemento normativo e profesional.

*En canto ás **Ofertas públicas de emprego de enfermería**, pese ás limitacións das taxas de reposición impostas pola lexislación básica estatal dos últimos anos, a Xunta de Galicia ten adicado unha **ampliorcentaxe de prazas das OPES para os diplomados en enfermería, e en particular para as especialidades de enfermería**. A OPE 2017 inclúe 36 prazas para ás especialidades de enfermería e 830 prazas de enfermería. A OPE 2018: 86 prazas para especialidades de enfermería .*

COPAGOS FARMACÉUTICOS

O copago farmacéutico sempre existiu. Así, no Real Decreto Lei 16/2012 xa se recolleu que: “La aportación del usuario será proporcional al nivel de renta que se actualizará, como máximo, anualmente.”

A dúbida que ás veces se suscita é se a aportación en función da renda pode influír na adherencia o tratamento, é dicir, se os pacientes de menor renda poderían retirar menos medicación na oficina de farmacia. Nesta cuestión, hai uns datos importantes e conclusións que podemos destacar:

- 1. Galicia é a terceira comunidade con maior gasto público por habitante/ano en farmacia (411 euros), só superada por Extremadura e Asturias. É a cuarta máis eficiente no custe por receita (11,17 euros), cando en 2008 superaba este custe en 3 euros (14,16 euros).*
- 2. En 2017 Galicia financiou 2,1 millóns de receitas máis que no ano 2008 (62.252.863 fronte a 60.117.987).*
- 3. Os pacientes recollen de media 23 receitas/ano, dato só superado por Extremadura. Existe gran accesibilidade á medicación financiada nesta comunidade.*
- 4. En Galicia hai 125.000 cidadáns que están exentos de pago, supoñen o 4,34% da poboación e o 6,6 % das receitas.*
- 5. Os pensionistas pagan de media 4,10 €/mes.*

INFRAESTRUTURAS NOVAS OU RENOVADAS

Estase producindo unha modernización completa das infraestruturas sanitarias, que a Xunta está levando a cabo de xeito ininterrompido desde o ano 2009 e que ao seu remate permitirá poñer a disposición dos galegos un novo Servizo Galego de Saúde, mellor preparado para hoxe e para o futuro.

DATOS PROVINCIA DE LUGO:

- En Lugo equipamos totalmente un novo hospital público e melloramos a carteira de servizos: hemodinámica (24 horas a partir de febreiro), medicina nuclear radioterapia.*
- No hospital público da Mariña continuamos completando a ampliación, que xa rematamos na primeira fase cun aumento da superficie dun 33%.*
- No 2019 estamos traballando no Plan funcional da Fase II.*
- No hospital público de Monforte introduciuse o servizo de oncoloxía e hospitalización a domicilio, e proximamente contratarase o seu proxecto de remodelación.*
- Obras de inicio inmediato: CS de O Saviñao, cun orzamento de 1.138.455,05 €, e cun prazo de execución de 12 meses.*
- Obras en preparación da licitación: O CIS de Lugo cun orzamento de 11.287.611€*



Concello de FRADES

Cimadevila, 10
15686.- FRADES (A Conña)

Teléfs: 981 - 69 55 67 y 981 - 69 56 63 Fax: 981 - 69 55 79

E-Mail: correo@fradesgal

EQUIPAMENTOS

*A mellor dotación sanitaria tamén se reflicte no ámbito tecnolóxico. Nunca antes se fixera unha aposta tan forte pola **incorporación de tecnoloxía, con máis de 100 M€** nos últimos anos. Desde a máis alta tecnoloxía: quirófanos híbridos, resonancias, PET, aceleradores lineais,... ata aparataxe máis simple pero igualmente fundamental: mamógrafos, ecógrafos, electrocardiógrafos, ...*

NECESIDADE DUN PACTO DE ESTADO SOBRE CALIDADE E SUSTENTABILIDADE DA SANIDADE PÚBLICA

É necesario un gran pacto político en España que nos permita salvaguardar a calidade e a sustentabilidade da Sanidade pública, tal e como se expuxo nunha reunión celebrada a finais do mes de xaneiro deste 2019 na que participaron varios exministros de Sanidade:

Madrid, 24 ene (EFE).- Varios exministros de Sanidad han abogado hoy por un Pacto de Estado para el Sistema Nacional de Salud (SNS) que sea consensuado con todos los agentes implicados, que se centre en los ciudadanos y en los profesionales y que permita una gestión sostenible de todos los servicios sanitarios.

Lo han hecho este jueves en un encuentro en el Senado que ha reunido a los ex titulares de Sanidad Enrique Sánchez de León (1977-1979), Julián García Vargas (1986-1991), Bernat Soria (2007-2009) y Dolors Montserrat (2016-2018).

Yo propongo a los cuatro ministros que estamos hoy aquí que movilizemos a todos los ministros de Sanidad que ha habido a lo largo de estos 40 años y que pongamos encima de la mesa la posibilidad de hacer un Pacto de Estado por la Sanidad," ha dicho la última titular de esta cartera en el Gobierno de Mario Rajoy.

Y ha animado a ser valientes y despolitizar la Sanidad: "Lo dice una política que lo intentó durante el año y ocho meses que estuvo," ha apostillado.

Quien fuera ministro de Sanidad en el Ejecutivo de José Luis Rodríguez Zapatero, Bernat Soria, ha aplaudido también la idea de que es posible "lograr un gran Pacto de Estado en esta materia, si bien ha advertido que el único inconveniente que tiene es la lucha política."

Por su parte, el ministro de Sanidad que más tiempo ha ocupado el cargo (4 años y 7 meses), Julián García Vargas (PSOE), ha subrayado que ese Pacto de Estado debe empezar por acordarse en la Conferencia de Presidentes porque, ha dicho, "sin acuerdo de las comunidades es imposible."

O Sr. Alcalde toma de novo a palabra para comentar que ante este argumento do PP se demostra que non é certo todo o que expón a moción do BNG, ademais no que se refire a situación no centros de saúde de Frades a situación non mudou nos últimos anos e si se están cubrindo as baixas dos profesionais inclusive en periodo de vacacións no caso das enfermeiras.

Pero como si estamos dacordo e somos conscientes de que se están producindo fallos na organización do persoal sanitario tanto nos hospitais como en atención primaria en algún centros e que xa comezaron as negociacións para resolver o problema, o grupo do PP de Frades vaise abster para que se poida aprobar a moción do BNG cos seus votos.



Concello de FRADES

Cimadevila, 10
15686.- FRADES (A Conña)

Teléfs: 981 - 69 55 67 y 981 - 69 56 63 Fax: 981 - 69 55 79

E-Mail: correo@fradesgal

Acto seguido, procédese á votación, resultando a referida moción APROBADA, cos votos a favor dos dous Concelleiros do BNG presentes e coa abstención dos Concelleiros do PP.

.....

Non sendo outro o obxecto da sesión e non habendo máis asuntos a tratar, sendo as quince horas, o Sr. Presidente levanta a sesión, estendéndose de todo isto a presente acta da que eu, Secretaria, dou fé.

Vº Bº O Alcalde

Secretaria

Roberto Rey Martínez

Maria Chao Carballeira